

海內詩錄

偶作二首

沈曾植

曠後暑猶在。露晞寒未斟。支離舒病骨。蕭槭動羈禽。十世知何蚤。三端痛已深。徘徊下夜漏。寥落望橫參。

近局招邀數。籃輿俛仰寬。微生隨飲啄。杜德入淵潛。水作滄浪濯。音成自在觀。林風休造次。吹上鹿皮冠。

清道人五十生日藏園寫山水爲壽使余題之

鄭孝胥

往。丐。祝。宗。祈。一。瞑。卽。爲。福。今。乃。願。無。死。留。看。然。臍。醜。道。人。纔。五。十。日。撫。便。便。腹。恐。非。住。山。人。未。可。遽。斷。肉。藏。園。作。密。林。自。喜。絕。塵。躅。持。此。爲。君。壽。殊。勝。不。義。粟。

八月十四夜新世界翫月

前人

醉中惟覺燈光熱。暗處方知月色清。萬戶市聲散空闊。九天夜氣入新晴。同遊翫髒應相許。舉世披猖信可輕。穿盡人羣聊睥睨。放歌端欲拊簷楹。

挽于晦若

陳三立

絮語市樓杯。終古死別地。我把青溪釣。君拾千墩翠。彈指兩月耳。告兇魂魄碎。堂堂千載人。飄蓬畢身世。自深幽憂疾。藥物孰宜忌。餘生脉綴疣。天果速其斃。海岸風蕭然。白日導精魅。撒手有不忘。夜雨聯牀第。

國家昔改制。爭尸憲政名。君時使瀛寰。同視乖背情。移疏列利害。剖抉蘇狂醒。秉鈞卒不悟。矯厲掩精誠。戲具徇一擲。四海沸飛蝗。乘敵發羣盜。大命隨之傾。迫撓崩拆痛。擔簦視河清。泗鼎魯陽戈。寤寐相逢。置身夷惠間。微言表儒生。誰何助張目。今益淚縱橫。

君奮大將門。術業夙稱舉。甄錄抗深寧。網羅擅貴輿。草檄上相幕。翩翩鄒枚伍。立朝見迂闊。正色氣如虎。國破屢狼狽。終依黃歇浦。海隅聚流人。過逢互摩撫。攤錢耽釀飲。哀樂倒肺腑。尋常挾孤憤。滑稽評今古。旁噴愈嫵媚。擺落市上語。同車幾何日。忍憶墜傷股。微命懸殘運。孰能知死所。待扶現在手。一拂齧棺鼠。

乙卯春有蕭山修志之役得讀嘉慶孝廉陳校

風詩表忠觀落成紀事詩感其年代間隔姓

名相肖爲作補傳紀之以詩 陳詩

蕭山南郭柳。曾繫鴨嘴船。早春相招邀。汎此湘湖烟。
先生陳絜先。田艾生兩君暨余主人。則來銘甫明經也。蕁絲未紫碧。山桃藥初然。湖光食如帶。中流峙一拳。湖中有壓鳥山。修竹翳崇祠。捫碣話古賢。
軺車憶安仁。尺簡蟬蠹穿。玄珠鈎沈出深淵。姓名酷相肖。韓翃詭後先。酣歌表忠觀。字字森戈鋌。躬逢乾隆盛。事誌乙卯年。甲子俄再周。人事催華顛。搜奇補佳傳。巖壑尙清妍。人我兩無相。佛語空言詮。

南湖夜起

陳曾壽

臥聞魚躍水聲洪。起視高天月正中。分耀同光一星在。有香無影萬荷空。百年何事酬良夜。微念生涼自好風。寶相瞻前旋在後。鏡奩祇是嶺西東。

秋日卽事

夏敬觀

桑林燦日已枯枝。尙恨西風逐暑遲。底事山川黃落甚。人間秋士又生

悲。

棗熟秋林顆顆丹。摘來宜貯水晶盤。不應便放果下馬。看取樹頭風打

綺窗明月正流輝。還見疏螢壁罅飛。何限野田饒草露。翻教浪悔入羅

幃。

嫠婦

前人

嫠婦不夜哭。此心表精白。夢與男子親。一念愧金石。何況非夢中。明明喪白璧。喪喪莫追悔。自諱夫何益。嘗聞原巨先。放縱言無擇。自儕不幸。婦猶及露肝。膈吾信此語真。獨用寬其責。

空齋

前人

蕭蕭屋頭草。啾啾檐間雀。白日忽已短。萬物歸雲落。平生精爽氣。客久漸銷鑠。徒能親書史。亦厭對杯杓。空齋日坐臥。稍避風沙惡。軒窗隙雖糊。粉紙鳴索索。東鄰好擊筑。靜夜燕歌作。此聲殊激昂。衰耳奈不樂。

視殯

諸宗元

荒殯遠尋來視汝。斜陽已落尙親人。闔棺遂鑄三年淚。了劫終留一聚塵。自詭姓名原可歎。卽言生死復何因。分明前痛成今讖。不到江亭亦

29664 愴神。

送歸南者

前人

君復南歸我獨留。眼中雲物正清秋。江喧風雨成荒漲。民厄流離念本州。且置買田陽羨約。能無橫涕監門憂。迂儒箝口論封禪。賴可長飢對白鷗。

宵雨不寐

前人

北地秋霖本不經。眼中何物是雷霆。早知風定月還出。叵耐宵長酒易醒。殘暑會看今日盡。虛堂曾共故人聽。夢中失笑尋歸路。兒女庭階數溼螢。

題師曾槐堂堂為張棣生新築以居師曾者

前人

今見行窩署康樂。不勞宅契累溫公。低回日下三年客。坐臥槐南一院風。卜築青谿歸問父。時散原丈已還居。金陵高歌人海漸為翁。小詩漫可題窗紙。却負山川在腕中。

月夜

陳衡恪

人方逐熱汗輕紈。我覺秋旻月正寒。高處當樓殊可念。微風斂水豈無

干神思繇逸妨歌枕。酒力沈冥怯倚闌。獨向江湖數征雁。哀啼終古隔雲端。

看花

前人

閉門齋飯正花時。香滿虛空不入詩。何事關心常獨往。叩。鶻。蜂。蝶。未。教。知。飄墮人閒四十年。祇今差幸未華顛。尋歡且惜看花命。葬送春紅又惘然。

畫溪居感舊圖

前人

高柳蕭疎水繞廬。小牕遙對一峰孤。旁人指我雙栖處。知有傷心在畫圖。放浪中年意不諧。閉門詩畫勝長齋。神臯滿目搖風雨。穩結茅庵何處佳。

題黃九煙畫

九烟周姓名星。湖南湘潭人。明末進士。官戶科給事中。甲申後變姓為黃周星。

流寓上元。於五月五日。鑿舟沈秦淮死。

前人

嗚咽秦淮水。沈埋故國心。感時身正苦。弔古淚同深。姓字迷青史。雲山閱賞音。獨於平淡處。吮筆一追尋。

泰山南天門題壁

前人

連磴步步上山高。天亦高到此數點。雨下視皆雲濤。

寄張薑齋巡按

王允哲

人閒好手。薑齋叟。獨障東風作惡場。老色鄉心。知不免詩情官事。幸無妨。兩年風雪自緣淺。千里關山非路長。病起懸輪擬乘興。尊前先戒話滄桑。

碧栖在都寄詩見懷並云將出爲縣知事次韻

答之

張元奇

頭白詞人王聖與。老持手版欲登場。時危誰是身名泰。心淨都無出處妨。爛漫詩篇還自好。郎當舞袖可能長。安邊我已輸強對。只合歸謀八百桑。

眉廬叢話 (續前號) (禁止轉載)

蕙風

癸丑甲寅閒。蕙風賃廬眉壽里。所撰叢話。以眉廬名。乙卯四月。移居迤西青雲里。客問蕙風。叢話殆將更名耶。蕙風曰。客亦知夫眉壽之誼乎。眉於人之一身。爲至無用之物。此其所以壽也。蕙風之居可移。蕙風之無用。寧復可改。抑更有說焉。洪範五福。一壽二富。蕙風之惜。將使二者一焉。其如青雲非黃金何。孔子曰。富而可求也。雖執鞭之士。吾亦爲之。如不可求。續吾叢話。

臨川李小湖侍郎。(聯琇)箸有好雲樓集。嘗集經句爲試帖。絕工巧。賣劍買牛題句云。又求其寶劍。誰謂爾無牛。善旌諫鼓題句云。見羽毛之美。毋金玉爾音。

咸豐初年。大考翰詹。詩題半窗殘月夢鶯囀。萬文敏(青藜)時官編修。有句云。九重開曙色。萬戶動春聲。拔置第一。蓋題近衰颯。而句殊興會也。

亦爲之。如不可求。續吾叢話。

咸豐初年。大考翰詹。詩題半窗殘月夢鶯囀。萬文敏(青藜)時官編修。有句云。九重開曙色。萬戶動春聲。拔置第一。蓋題近衰颯。而句殊興會也。

詣南零取水。陸掣器以俟。俄水至。陸以杓揚水。曰。江則江矣。非南零。似臨岸者。使曰。某掉舟深入。見者累百人。敢給乎。陸不言。既而傾諸盆至半。陸遽止。又以杓揚之。曰。